

Donald Trumpip Kalaallit Nunarput pisiariumavaa




Donald Trumpip Nunarput pisiariumanera pillugu
Padletikkut ilisimariikkatit allattussavatit



YouTubemi isiginnaagaqassaaitit




Atuagassaq atuassavat



Suliassaq soqutiginaritat
toqqassavat



Eqimattakkuutaarlusi
suleqatigiissaasi



Suliasi atuaqatissinnut
saqqummiutissavarsi




Suliat nalilersussavat





Donald Trumpip Kalaallit Nunarput pisiariumavaa

Immaqa tusagassiutini piffissami kingullermi sammineqarluartoq USA-mi præsidentinngortup Donald Trumpip nunarput pisiariumagaa tusareerpat?




Nunarsuarmi tusagassiutini piffissami kingullermi USA-mi præsidentinngortoq Donald Trump sammineqarluarpoq. Donald Trump USA-mi siullermeerluni præsidentitut qinigaangilaq, siullermik præsidentimut qinigaavoq ukioq 2016-imi.

Trumpip siullermeerluni 2016-imi præsidentimut qineqqusaarnermini Make America Great Again oqariartaaseralugu qineqqusaarpoq, qineqqusaarpoq; præsidentiusimasup Ronald Reagan 1980-imi præsidentitut qineqqusaarnermini oqaasinnaaralugu atorsimasaa. Ronald Reagan klippeeqqami oqariartaasaa oqaatigigaa takujuk.
https://www.youtube.com/watch?v=FjkX_IBYQHW (00.13 sek.)



Trump ilisimaneqarpoq USA-mi najugaqavissunut illersuisuusoq, amerlasuullu isumaqarsimagaluarput præsidentitut ivertitaaguni USA nunatut annertuumik ukkatarissagaa. Tassa USA-mi pissutsinut samminerulluni præsidentitut sulissuteqassasoq, ilaatigut Mexicomiit USA-mut akuersissutitaqanngitsumik nunasisunut killilersimaarinnilluni pissasoq. Ukrainimi Kangiani Qiterlamilu sorsunnernut USA peqataassanngitsoq, kiisalu inussuutissat akiisa qaffakkaluttuinnartut akiorniarneqassasut.

2016-imi Trumpip nunarput pisiariumallugu eqqaaqqaarnikuuaa. Nunarsuarmi tamanna tupaallaatigineqaaq, tusagassiutit nunarput assut sammivaat. Ilaatigut oqartoqartarpoq taamaaliornermini Trumpip nunarput nittarsaakkaa. Piffissap ingerlanerani Trumpip nunatsinnik piserusunnera puigorneqartutut ippoq.





Ukiorli 2025 Donald Trump USA-mi præidentitut qinigaaqqippoq. Trumpip oqariartaaseq Make America Great Again (MAGA) qineqqusaarnermini atuleqqimmagu najugaqavissut amerlasuut isumaqarsimagaluarput aallunneqassallutik, kisianni Donald Trumpip USA-p killeqarfiisa allisarnissaanut allisarnissaat eqqarsaatersuutigivaa.


Donald Trump præidentinngoqqinnermi kinguninngua arlaleriarluni nunarput aammaarluni pisiariumallugu oqaaseqaaqqittalerpoq. Tamatumuuna avataaniit qisuariarneq annertuneroqaaq. Trumpip nunarput tiguarniarlugu oqaaseqarnera tamanit aalassaataavoq. Nunarsuaq tamakkerlugu tusagassiutitigut annertuumik eqqartugaangaatsialerpoq, allaat tusagassiortut nunanit assigiinngitsunit nunatsinnut paasisassarsiorlutik tikerarlutik.




Kalaallit Nunarput nunarsuarmi pingaaruteqartorujussuuvoq, ilaatigut aatsitassanik qaqutigoortunik nunatsinni nassaassaqarmat, tamakkualu teknologip ineriartortinneqarnissaanut piumaneqartorujussuupput. Aammalu Kalaallit Nunaat nunap issittumi inissisimaneranut isumannaatsuunissaa Donald Trumpip pingaarutilittut isigivaa. Kiisalu Qalasarsuup imartaata, umiarsuit USA-miit Asiamut Europamullu nioqqutissanik assartuineq sivikinnerusumik pisinnaammat, aningaasaqarnikkut isumannaatsuunissamullu iluaqutitut takorloorneqarmat.



Taamaattumik nunarsuaq ataatsimut isigissagaanni nunarput nunarpassuarnit pilerigineqartorujussuanngoqqavoq.





Suliassat



Eqimattakkuutarlusi
suleqatigiissaasi

1

Suliassaq 1



Donald Trumpip Kalaallit Nunarput
sooq pisiarerusunneraa app-i
atorlugu imal. tigussaasunik
suliaqarnikkut saqqummiussiuk.

2

Suliassaq 2



Donald Trumpip Kalaallit Nunarput
soqutigeqqaarneraniit maannamut
pisimasut piffissami pisut
nalunaarsornerat app-i atorlugu
imal. tigussaasunik suliaqarnikkut
saqqummiussiuk.

3


Suliassaq 3



Donald Trumpip Kalaallit Nunatta
pisiarerusunneranut atatillugu inuit qanoq
isumaqarnersut app-i atorlugu imal.
tigussaasunik suliaqarnikkut isumaat
saqqummiutissavasi.

4

Suliassaq 4



Donald Trumpip Kalaallit Nunarput
pisiarissagaluarpagu
atuartut qassit akuerissaneraat qassillu
akuerissannginneraat app-i atorlugu imal.
tigussaasunik suliaqarnikkut saqqummiussiuk.

5

Suliassaq 5



Aatsitassat pingaarnerit qanorlu
naleqartigisinnaaneri app-i atorlugu imal.
tigussaasunik suliaqarnikkut
saqqummiussiuk.



6

Suliassaq 6



Donald Trumpip Kalaallit Nunarput
pisiarissagaluarpagu suut nunatsinnut
pitsaaqutaanersut suullu ajoqutaassanersut
app-i atorlugu imal. tigussaasunik
suliaqarnikkut saqqummiussiuk.

Suliat nalilissavat
QR kode scanneruk



Suliarsi naammassigussiuk atuaqatissinnut saqqummiissaasi

Ilinniartitsisumut ilitersuut



1. lektion: Atuartut Donald Trumpi pillugu ilisimariigaat paasinarlugit atuartitsineq aallartissavat Padletikkut immersuitillugit. Immersuereerpatalu illit ilinniartitsisutut immersorneqartut atuallattaassavatit. Atuartut tamarmik immersuereerpata kiap suna allatarisimaneraa eqqartussavasi, taamasillutit atuartup ilisimariigai killiffissiussavatit. Nittartagaq toorlugu Padlet immersugassaq aariarlugu atuartut Showbieannut ikkutissavat. <https://padlet.com/mddnielsen/donald-trump-rbvpOrxtvgacu2sn>




1. Lektion: Youtubemi klippit paasissutissanik imallit atuartunut isiginnaartissavatit. Donald Trumpip sooq Kalaallit Nunarput pisiarerusunneraa atuartut ilisimariigassaannut naapertuunnersoq qulakkeerniarlugu. Maluginiaruk YouTube klippit assigiinngitsut marluummata qallunaatoortaqarlunilu aamma tuluttoortaqarmat. Oqaatsit sorliit atuartup orniginartinneruneraat aallaaviussaaq, uani imarisaata paasinissaa pingaarnerrummat. Imarisaata pingaarnersiorlugu sooq Donald Trumpip Kalaallit Nunaat persarineraa atuartut qanoq paasineraat eqqartussavarsi.

Qallunaatut: <https://www.youtube.com/watch?v=Jug-dH87pBY> (7,59 min.)

Tuluttut: https://www.youtube.com/watch?v=J_PV6Kl4T7s (4,03 min.)




2. Lektion: Piffissaq siullesq atussavat atuartitsinerup siuliini atuartut suliaat eqqartukkasilu uteqqiiffigalugit. Allataq atuartunut atuartinnginnerani oqaatsit ilisimariigassat qanoq isumaqarnersut klassip iluani eqqartoqqaassavasi, QR kodi scanneruk. Illit ilinniartitsisutut atuartuutitit ilisimanerugakkit allatap atuarnissaanut qanoq atuartitsinissannut aqqissorusunnerit nammineq aalajangissavat.



2. Lektion: QR-kodemiittut suliaat assiiinngitsut arfiniliusut akornanni atuartut suliaamittut soqutiginartinnerusartik toqqassavaat. Soqutiginartinnerusaat allattarfissuarmi 1-miit 6-mut allattoriarlugit atuartut aqqi kisitsisit nalaannut allattussavatit. Pingaaruteqarpoq suliaqkiussat tamarmik inuttalernissaat.



3. Lektion: Atuartut suleqatigiilertussat eqimattanngorlutik suliaqkiissutit paasilluarsimanerlugit misissoqqissaassavaat. Atuartut isumaqatigiissapput kikkut suna qanorlu suliarissaneraat. Aallartivinnginnissinni isumaqatigiissaasi suliaamut piffissaq qanoq annertutigisoq atorineqassanersoq, kingusinnerpaamillu qaqugu naammassissanersoq ulluliillusi. Ass. lektionip tullissaanut suna piariissavaat? Ilinniagassaqassappat? Atuartut suliaq aallarperiaannaavaat.



4 Lektion: Atuartut suliaat sumut killinnersut killiffissiussavatit. Imaassinnaavoq atuartut lektionimik ataatsimik suliaqkiissat naammassinissaanut pisariaqartitsisut. Atuartut tamarmik aatsaat naammassippata suliatik atuatiminnut saqqummiussinnaavaat. Saqqummiineq 3-5 min. siviussuseqassaaq eqimattallu saqqummeereerpata apeqquteqarnissaq eqqartuinissarlu pingaartinneqassaaq.



5. Lektion: QR-kode iserfigalugu atuartitsinerup ingerlanerani atuartut suliatik nalilertussanngorpaat. Suliaat naliliinerillu Showbiemut toqqussapput. Ilinniartitsisutut pingaaruteqarpoq atuartut suliaat Showbiemi naatsumik naliliillutit utertiffigissagitit.

